

A decorative border with a repeating pattern of stylized floral and geometric motifs, framing the central text.

**ПОСЛЕДОВАНИЕ
КО СВЯТОМУ
ПРИЧАЩЕНИЮ**

Молитвами святых отец наших, Господи Иисусе Христе Боже наш, помилуй нас. Аминь.

Царю Небесный: Трисвятое. Пресвятая Троице: Слава, и ныне: Отче наш: Господи, помилуй. (12 раз.) Слава, и ныне: Приидите, поклонимся (Трижды.)

Псалом 22.

Господь пасет мя, и ничтоже мя лишит. На месте злачне, тамо всели мя: на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюся зла, яко Ты со мною еси: жезл Твой и палица Твоя, та мя утешиста. Уготовал еси предо мною трапезу, сопротив стужающим мне: умастил еси елеем главу мою, и чаша Твоя упоявующи мя яко державна. И милость Твоя поженет мя вся дни живота моего, и еже вселити ми ся в дом Господень, в долготу дней.

Псалом 23.

Господня земля, и исполнение ея, вселенная, и вси живущии на ней. Той на морях основал ю есть, и на реках уготовал ю есть. Кто взыдет на гору Господню; или кто станет на месте святем Его; Неповинен руками, и чист сердцем, иже не прият всеу душу свою, и не клятсся лестию искреннему своему. Сей примет благословение от Господа, и милостыню от Бога Спаса своего. Сей род ищущих Господа, ищущих лице Бога Иаковля. Возьмите врата князи ваша, и возमितесь врата вечная: и внидет Царь славы. Кто есть сей Царь славы; Господь крепок и силен, Господь силен в брани. Возьмите врата князи ваша, и возमितесь врата вечная: и внидет Царь славы. Кто есть сей Царь славы; Господь сил, Той есть Царь славы.

Псалом 115.

Вéровах, тэмже возглаболах: аз же смири́хся зело́. Аз же рех во изступлѣнии моём: всяк человек ложь. Что воздам Господеви о всех, яже воздаде ми? Ча́шу спасѣния прииму́, и имя Господне призову́: моли́твы моя́ Господеви воздам пред все́ми людьми́ Его́. Честна́ пред Господем смерть преподобныхъ Его́. О Господи, аз раб Твой, аз раб Твой, и сын рабыни Твоея́: растерзал еси́ у́зы моя́. Тебе́ пожру́ жéртву хвалы́, и во имя Господне призову́. Моли́твы моя́ Господеви воздам пред все́ми людьми́ Его́. Во двóрех до́му Господня, посреде́ Тебе́, Иерусали́ме.

Сла́ва, и ны́не: Аллилу́ия, Аллилу́ия, Аллилу́ия сла́ва Тебе́ Бо́же. (Трижды.)

Тропари, глас 8-й.

Беззако́ния моя́ прэзри, Господи, от Дéвы рождéйся, и сёрдце моё очисти, храм то творя́ Пречы́стому Твоему́ Тёлу и Кро́ви, ниже́ отрини мене́ от Твоего́ лица́, без числа́ имéяй вéлию мило́сть.

Сла́ва: Во прича́стие святы́нь Твои́х како́ дерзну́ недостóйный? А́ще бо дерзну́ к Тебе́ присту́пити с достóйными, хитон мя облича́ет, я́ко несть вечерний, и осуждѣние исходатайствую многогрéшной души́ мое́й. Очи́сти, Господи, сквэрну души́ мое́й, и спаси́ мя, я́ко Человеколюбец.

И ны́не: Мнóгая мно́жества мои́х, Богородице, прегрешéний, к Тебе́ прибего́х, Чы́стая, спасѣния трéбуя: посети́ немощствую́щую мою́ ду́шу, и моли́ Сы́на Твоего́ и Бо́га нашего́, да́ти ми оставлѣние, я́же соде́ях лю́тых, Еди́на Благословѣнная.

[Во святу́ю же Четырeдeсятницy:

Егдá сла́внии ученицы́ на умо́вении вéчери просвещáхуся, тогда́ Иу́да злочестивый сребролю́бием недúговав омрачáшеся, и беззако́нным судия́м Тебе́ пра́веднаго Судию́ предаёт.

Виждь, имений рачителю, сих ради удавление употребивша: бежи несытыя души, Учителю таковая дерзнувшая. Иже о всех благий Господи, слава Тебе.]

Псалом 50.

Помилуй мя, Бóже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо, в беззаконных зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бóже, Бóже спасения моего; возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо: всеожжения не благоволиши. Жертва Бóгу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всеожигаемая; тогда возложат на олтарь Твой тельцы.

КАНОН, глас 2-й.

Песнь 1.

Ирмос: Грядите, людие, поим песнь Христу Богу, раздѣльшему море, и наставльшему люди, яже изведе из работы египетския, яко прославися.

Припев: Сердце чисто созижди во мне, Боже, и дух прав обнови во утробе моей.

Хлеб животá вечнующаго да бѹдет ми Тѣло Твое Святѡе, благоутробне Господи, и честная Крѡвь, и недѹг многообразных исцелѣние.

Припев: Не отвѣржи мене от лица Твоего, и Дѹха Твоего Святаго не отыми от мене.

Осквернен дѣлы безмѣстными окаянный, Твоего Пречистаго Тѣла и Божественныя Крѡве недостѡин есмь, Христѣ, причащѣния, егѡже мя сподѡби.

Припев: Пресвятая Богородице, спаси нас.

Земле благая, благословенная Богоневѣсто, клас прозябшая неоранный и спасительный миру, сподѡби мя, сей ядѹща, спастися.

Песнь 3.

Ирмос: На камени мя вѣры утвердив, расширил еси уста моя на враги моя. Возвесели бо ся дух мой, внемгда пѣти: несть свят, якоже Бог наш, и несть праведен паче Тебе, Господи.

Сердце чисто созижди во мне, Боже, и дух прав обнови во утробе моей.

Слезныя ми подаждь, Христѣ, капли, скверну сердца моего очищающия: яко да благою совѣстию очищен, вѣрою прихожду и страхом, Владыко, ко причащѣнию Божественных дарѡв Твоих.

Не отвѣржи мене от лица Твоего, и Дѹха Твоего Святаго не отыми от мене.

Во оставлѣние да бѹдет ми прегрешѣний пречистое Тѣло Твое, и Божественная Крѡвь, Дѹха же Святаго общѣние,

и в жизнь вѣчную, Человеколюбче, и страстей и скорбей отчуждение.

Пресвятая Богородице, спаси нас.

Хлеба животнаго Трапѣза Пресвятая, свѣше милости ради шедшаго, и миру новыи живот дающаго, и мене ныне сподоби, недостойнаго, со страхом вкусити сего, и живу быти.

Песнь 4.

Ирмос: Пришел еси от Девы, не ходатай, ни Ангел, но Сам, Господи, воплощся, и спасл еси всего мя человека. Тем зову Ти: слава силе Твоей, Господи.

Сердце чисто созижди во мне, Боже, и дух прав обнови во утробе моей.

Восхотел еси, нас ради воплощся, Многомилостиве, заклан быти яко овча, грех ради человеческих; темже молю Тя: и моя очисти согрешения.

Не отвержи мене от лица Твоего, и Духа Твоего Святаго не отыми от мене.

Исцели души моея язвы, Господи, и всего освяти, и сподоби, Владыко, яко да причащуся тайныя Твоея Божественныя вечери, окаянный.

Пресвятая Богородице, спаси нас.

Умилостиви и мене Сущаго от утробы Твоея, Владычице, и соблюди мя нескверна раба Твоего и непорочна, яко да прием умнаго бисера, освящуся.

Песнь 5.

Ирмос: Света подателю и веков Творче, Господи, во свете Твоих повелений настави нас: разве бо Тебе иного бога не знаем.

Сердце чисто созижди во мне, Боже, и дух прав обнови во утробе моей.

Якоже предрекл еси, Христэ, да будет убо худому рабу Твоему, и во мне пребуди, якоже обещался еси: се бо Тело Твое ям Божественное и пию Кровь Твою.

Не отвержи мене от лица Твоего, и Духа Твоего Святаго не отыми от мене.

Слове Божий и Бже, угль Тела Твоего да будет мне, помраченному, в просвещение и очищение оскверненной души моей Кровь Твоя.

Пресвятая Богородице, спаси нас.

Марие, Мати Божия, благоухания честное селение, Твоими молитвами сосуд мя избранный содейлай, яко да освященный причащуся Сына Твоего.

Песнь 6.

Ирмос: В бездне греховней валяясь, неизследную милосердия Твоего призываю бездну: от тли, Бже, мя возведи.

Сердце чисто созижди во мне, Бже, и дух прав обнови во утробе моей.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Не отвержи мене от лица Твоего, и Духа Твоего Святаго не отыми от мене.

Да бых устранился от страстей, и Твоея благодати имел бы приложение, живота же утверждение, причащением Святых, Христэ, Таин Твоих.

Пресвятая Богородице, спаси нас.

Божие, Бже, Слово Святое, всего мя освяти, ныне приходящего к Божественным Твоим Тайнам, Святыя Матере Твоея мольбами.

Господи, помилуй. (Трижды.) Слава, и ныне:

Кондак, глас 2-й.

Хлеб, Христѣ, взяти не презри мя, Тѣло Твое, и Божественную Твою ныне Кровь, пречистых, Владыко, и страшных Твоих Таин причастится окаяннаго, да не будет ми в суд, да будет же ми в живот вечный и безсмертный.

Песнь 7.

Ирмос: Тѣлу златому премудрыя дѣти не послужаша, и в пламень сами поидоша, и боги их обругаша, среди пламене возопиша, и ороси я Ангел: услышася уже уст ваших молитва.

Сѣрдце чисто созижди во мне, Бже, и дух прав обнови во утробе моей.

Источник благих, причащение, Христѣ, безсмертных Твоих ныне Таинств да будет ми свет, и живот, и безстрастие, и к преспеянию же и умножению добродетели Божественнейшия ходатайственно, еди́не Блаже, яко да славлю Тя.

Не отвержи мене от лица Твоего, и Духа Твоего Святаго не отыми от мене.

Да избавлюся от страстей, и врагов, и нужды, и всякия скорби, трепетом и любовью со благоговением, Человеколюбче, приступаяй ныне к Твоим безсмертным и Божественным Тайнам, и пѣти Тебѣ сподоби: благословен еси, Господи, Бже отец наших.

Пресвятая Богородице, спаси нас.

Спаса Христа рождающая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и Духа.

Песнь 8.

Ирмос: В печь огненную ко отроком еврейским снишедшаго, и пламень в росу предложшаго Бога, пойте дела яко Господа, и превозносите во вся веки.

Сѣрдце чисто созижди во мне, Бже, и дух прав обнови во утробе моей.

Небесных, и страшных, и Святых Твоих, Христэ, ныне Таин, и Божественная Твоя и тайная вечера общника быти и мене сподоби, отчаяннаго, Бже Спасе мой.

Не отвержи мене от лица Твоего, и Духа Твоего Святаго не отыми от мене.

Под Твое прибеги благоутробию, Блаже, со страхом зову Ти: во мне пребуду, Спасе, и аз, якоже рекл еси, в Тебе; се бо дерзая на милость Твою, ям Тело Твое, и пью Кровь Твою.

Пресвятая Троице, Бже наш, слава Тебе.

Трепещу, приемля огонь, да не опалюсь яко воск и яко трава. Оле страшнаго таинства! Оле благоутробию Божия! Како Божественнаго Тела и Крове, брение, причащаюся и нетленен сотворяюся?

Песнь 9.

Ирмос: Безначальна Родителя Сын, Бог и Господь, воплощся от Девы нам явися, омраченная просветити, собрати расточенная: тем всепетую Богородицу величаем.

Сердце чисто созижди во мне, Бже, и дух прав обнови во утробе моей.

Христос есть, вкусите и видите: Господь нас ради, по нам бо древле бывый, единою Себе принес, яко приношение Отцу Своему, присно закаляется, освящаяй причащающихся.

Не отвержи мене от лица Твоего, и Духа Твоего Святаго не отыми от мене.

Душею и телом да освящуся, Владыко, да просвещуся, да спасуся, да буду дом Твой причащением Священных Таин, живущаго Тя имея в себе со Отцем и Духом, Благодетелю Многомилостиве.

Воздаждь ми радость спасения Твоего и Духом Владычним утверди мя.

Якоже огонь да будет ми и яко свет, Тело Твое и Кровь, Спасе мой, пречестная, опалая греховное вещество, сжигая же страстей терние, и всего мя просвещая, поклонятися

Божеству Твоему.

Пресвятая Богородице, спаси нас.

Бог воплотился от чистых кровей Твоих; тем же всякий род поёт Тя, Владычице, умная же множества славят, яко Тобою яве узреша всеми Владычествующаго, осуществовавшагося человечеством.

Достойно есть: Трисвятое. Пресвятая Троице: Отче наш:
Тропарь дня или праздника. Если неделя, тропарь воскресный по гласу. Если же нет, настоящие тропари, глас 6-й:

Помилуй нас, Господи, помилуй нас; всякаго бо отвѣта недоумѣюще, сию Ти молитву яко Владыце, грѣшнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко Благоутробен, и избави ны от враг наших; Ты бо еси Бог наш, и мы люди Твой, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющихся на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй (40 раз). И поклоны, сколько хочешь.

И стихи:

Хотя ясти, человеце, Тело Владычне,
Страхом приступи, да не опалишия: огонь бо есть.
Божественную же пия Кровь ко общению,
Первее примириися тя опечалившим.
Таже дерзая, таинственное брашно яждь.
Прежде причастия страшныя жертвы,
Животворящаго Тела Владычня,
Сим помолися образом со трепетом:

Молитва Василя Великого, 1-я.

Владыко Господи Иисусе Христе, Боже наш, Источниче жизни и бессмертия, всея твари видимыя и невидимыя Содетелю, Безначальнаго Отца Соприсноущный Сыне и Собезначальный, премногия ради благодати в последние дни в плоть оболкися, и распныйся, и погребыйся за ны, неблагоприятныя и злонравныя, и Твоею Кровию обновивый растлевшее грехом естество наше, Сам, бессмертный Царю, прими и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и не смею достоин возрети на высоту славы Твоея: прогневах бо Твою благодать, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззаконными моими, моего всячески ожидая обращения. Ты бо рекл еси, Человеколюбче, пророком Твоим: яко хотением не хочу смерти грешника, но еже обратится и живу быти ему. Не хочещи бо, Владыко, создания Твоею рукою погубити, ниже благоволиши о погибели человечестей, но хочещи всем спастися, и в разум истины приити. Темже и аз, аще и недостойн есмь небес и земли, и сея привременныя жизни, всего себе повинув греху, и слабом поработив, и Твой осквернив образ; но творение и создание Твое быв, не отчаяваю своего спасения, окаянный, на Твое же безмерное благоутробие дерзая, прихожду. Прими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возьми мое тяжкое бремя грехов, грех вземляй мира, и немощи человеческия исцеляяй, труждающихся и обремененныя к Себе призываяй и упокоеваяй, не пришедый призвати праведныя, но грешныя на покаяние. И очисти мя от всякия скверны плоти и духа, и научи мя совершати святую во страхе Твоем: яко да чистым сведением совести моея, святых Твоих часть приемля, соединюся святому Телу Твоему и Крови, и имею Тебе во мне живуща и пребывающа, со Отцем, и Святым Твоим Духом. Ей, Господи Иисусе Христе, Боже мой, и да не в суд ми будет причастие Пречистых и Животворящих Таин Твоих, ниже да немощен буду душею же и телом, от

ёже недостойне тем причащатися, но даждь ми, даже до конечнаго моего издыханія, неосужденно восприимати часть Святынь Твоих, в Духа Святаго общеніе, в напутіе живота вечнаго, и во благоприятен ответ на Страшнем Судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.

Молитва святого Иоанна Златоуста, 2-я.

Господи Боже мой, вем, яко несмь достоин, ниже доволен, да под кров внидеши храма души моея, занеже весь пуст и пался есть, и не имаше во мне места достойна еже главу поклонити; но якоже с высоты нас ради смирил еси Себе, смирися и ныне смиренію моему, и якоже восприял еси в вертепе и в яслех безсловесных возлещи, сие восприими и в яслех безсловесных моея души, и во оскверненное мое тело внити. И якоже не недостобил еси внити и свечеряти со грешники в дому Симона прокаженнаго, тако избови внити и в дом смиренныя моея души, прокаженныя и грешныя. И якоже не отринул еси подобную мне блудницу и грешную, пришедшую и прикоснувшуюся Тебе, сие умилосердися и о мне, грешнем, приходящем и прикасающем Ти ся. И якоже не возгнушался еси скверных ея уст и нечистых, целующих Тя, ниже моих возгнушайся скверных она уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми угль пресвятаго Твоего Тела, и честныя Твоея Крове, во освященіе и просвещеніе и здравіе смиренней моей души и телу, во облегченіе тяжестей многих моих согрешений, в соблюденіе от всякаго диавольскаго действа, во отгнаніе и возбраненіе злаго моего и лукаваго обычая, во умерщвленіе страстей, в снабденіе заповедей Твоих, в приложеніе Божественныя Твоея благодати и Твоего Царствія присвоеніе. Не бо яко презираяй приходю к Тебе, Христе Боже, но яко дерзая на неизреченную Твою благодать, и да не на мнозе удаляяйся общенія Твоего, от мысленнаго волка звероуловлен буду.

Тёмже молюся Тебѣ: яко Един сый Свят, Владыко, освяти мою душу и тело, ум и сердце, чревеса и утробы, и всего мя обновй, и вкорени страх Твой во удесах моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и молениями Пречистыя Твоея Матере, невестственных Твоих служителей и Пречистых сил, и всех святых, от века Тебе благоугодивших. Аминь.

Молитва святого Симеона Метафраста, 3-я.

Едине чистый и нетленный Господи, за неизреченную милость человеколюбия наше все восприимый смешение, от чистых и девственных кровей паче естества Родившия Тя, Духа Божественнаго нашею и благоволением Отца присносущнаго, Христэ Иисусе, премудросте Божия, и мире, и сило; Твоим восприятием животворящая и спасительная страдания восприимый, крест, гвоздя, копие, смерть, умертвй моя душеленная страсти телесныя. Погребением Твоим адава пленивый царствия, погребй моя благими помысли лукавая советования и лукавствия духи разорй. Трехдневным Твоим и живоносным воскресением падшаго праотца возставивый, возстави мя, грехом поплзшагося, образы мне покаяния предлагая. Преславным Твоим вознесением плотское обоживый восприятие и сие десным Отца седением почтй, сподоби мя причастием Святых Твоих Таин десную часть спасаемых получитьи. Снятие Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки приити судити вселенней правдою, благоволи и мне усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков. Аминь.

Молитва того же святого, 4-я.

Яко на Страшнем Твоём и нелицеприёмнем предстояй Судилищи, Христэ Бóже, и осуждэния подъямля, и слово творя о содеянных мною злых; сице днесь, прэжде даже не приити днёви осуждэния моего, у святаго Твоего Жёртвенника предстоя пред Тобóю и пред страшными и святými Ангелы Твоими, преклонён от своей совести, приношу лукавая моя и беззаконная деяния, являяй сия и обличаяй. Виждь, Гóсподи, смирение моё, и остави вся грехи моя; виждь, яко умножишася паче влас главы моея беззакония моя. Кóе úбо не содеях зло? Кий грех не сотвори́х? Кóе зло не вообразих в души моей? Уже́ бо и дэлы содеях: блуд, прелюбодéйство, гóрдость, кичéние, укорéние, хулú, праздносло́вие, смех неподóбный, пьянство, гортанобéсие, объядéние, нéнависть, зáвисть, сребролю́бие, любостяжáние, лихоимство, самолю́бие, славолу́бие, хищéние, неправду, злоприобрéтение, рéвность, оклеветáние, беззакóние; всякое моё чúвство и всякий уд оскверни́х, растли́х, непотрéбен сотвори́х, дéлателище быв всячески дiаволе. И вём, Гóсподи, яко беззакония моя превзыдóша главú мою; но безмёрно есть мнóжество щедрóт Твоих, и мiлость неизречéнна незлóбивья Твоея б́лагости, и несть грех побеждающ человеколю́бие Твоё. Тёмже, пречúдный Царю, незлóбиве Гóсподи, удиви́ и на мне, грéшнем, мiлости Твоя́, покажи́ б́лагости Твоея си́лу и яви́ крéпость благоутрóбнаго милосéрдия Твоего, и обращающася приими́ мя грéшнаго. Приими́ мя, якоже прия́л еси́ блúднаго, разбóйника, блудни́цу. Приими́ мя, пребезмёрне и слóвом, и дéлом, и пóхотию безмéстною, и помышлéнием безсловéсным согрешивша Тебé. И якоже во единонадеся́тый час пришéдших прия́л еси́, ничтóже достóйно соделавших, тако приими́ и менé, грéшнаго: мнóго бо согреших и оскверни́хся, и опечáлих Дúха Твоего́ Святаго, и огорчих человеколю́бную утрóбу Твою́ и дéлом, и слóвом, и помышлéнием, в но́щи и во дни, явлéнне же и неявлéнне, волею́ же и неволею́. И вем, яко предста́виши грехи́ моя́ прéдо мною́ таковы́, яковы́ же мною́ содеяшася, и истя́жеши слóво со мною́ о ихже рáзумом непрóщэнно согреших. Но Гóсподи, Гóсподи, да не прáведным судóм Твоим, ниже́ я́ростию Твоею́ обличи́ши мя,

ниже гнѣвом Твоим накажеши мя; помилуй мя, Господи, яко не токмо немощен есмь, но и Твое есмь создание. Ты убо, Господи, утвердил еси на мне страх Твой, аз же лукавое пред Тобою сотворих. Тебе убо единому согреших, но молю Тя, не вниди в суд с рабом Твоим. Аще бо беззакония назириши, Господи, Господи, кто постоит? Аз бо есмь пучина греха, и несмь достоин, ниже доволен возрети и видети высоту небесную, от множества грехов моих, ихже несть числа: всякое бо злодеяние и коварство, и ухищрение сатанино, и растления, злопомнения, советования ко греху и иные тьмочисленные страсти не оскудеша от мене. Кийми бо не растлихся грехи? Кийми не содержахся злыми? Всяк грех содеях, всякую нечистоту вложих в душу мою, непотребен бых Тебе, Богу моему, и человеком. Кто возставит мя, в сицевая злая и толика падшаго согрешения? Господи Боже мой, на Тя уповах; аще есть ми спасения упование, аще побеждает человеколюбие Твое множества беззаконий моих, буди ми спаситель, и по щедротам Твоим и милостем Твоим, ослаби, остави, прости, ми вся, елика Ти согреших, яко многих зол исполнися душа моя, и несть во мне спасения надежды. Помилуй мя, Боже, по велицей милости Твоей и не воздаждь ми по делом моим, и не осуди мя по деяниям моим, но обрати, заступи, избави душу мою от совозрастающих ей зол и лютых восприятий. Спаси мя ради милости Твоея, да идеже умножится грех, преизобилует благодать Твоя; и восхваляю и прославляю Тя всегда, вся дни живота моего. Ты бо еси Бог кающихся и Спас согрешающих; и Тебе славу возсылаем со Безначальным Твоим Отцем и Пресвятым и Благим, и Животворящим Твоим Духом ныне и присно, и во веки веков. Аминь.

Молитва святого Иоанна Дамаскина, 5-я.

Владыко Господи Иисусе Христе Боже наш, едина имеяя власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин,

не в тяжестъ, ни в мѹку, ни в приложѣние грехѡв, но во очищѣние, и освящѣние, и обручѣние бѹдущаго животá и Цáрствія, в стѣну и пѡмощь, и в возражѣние сопротивных, во истреблѣние многѣх моих согрешѣній. Ты бо еси Бог мѣлости, и щедрѡт, и человеколѹбїя, и Тебѣ славу возсылаем, со Отцѣм и Святѣм Дѹхом, ныне и прѣсно и во вѣки векѡв. Амѣнь.

Молитва святого Василия Великого, 6-я.

Вем, Господи, яко недостѡйне причащаюся пречѣстаго Твоего Тѣла и честнѣя Твоея Крѡве, и повинен есмь, и суд себѣ ям и пию, не разсуждая Тѣла и Крѡве Тебѣ, Христá и Бѡга моего, но на щедрѡты Твоя дерзая, прихождѹ к Тебѣ, рѣкшему: ядѣй Мою Плоть и пей Мою Кровь, во Мне пребывает, и Аз в нем. Умилосѣрдися ѹбо, Господи, и не обличѣ мя, грѣшнаго, но сотвори со мною по мѣлости Твоей; и да бѹдут ми святая сия во исцелѣние, и очищѣние, и просвещѣние, и сохранѣние, и спасѣние, и во освящѣние душѣ и тѣла; во отгнание всякаго мечтáния, и лукаваго деянія, и дѣйства дявольскаго, мѣсленне во удесѣх моих дѣйствуемаго, в дерзновѣние и любѡвь, яже к Тебѣ; во исправлѣние житїя и утверждѣние, в возвращѣние добродѣтели и совершенства, во исполнѣние заповедей, в Дѹха Святаго общѣние, в напѹтие животá вѣчнаго, во отвѣт благопрїятен на Стрáшнем Судїщи Твоем: не в суд или во осуждѣние.

Молитва святого Симеона Нового Богослова, 7-я.

От сквѣрных устѣн, от мѣркаго сѣрдца, от нечѣстаго язѣика, от душѣ осквѣрнены, примѣ моленїе, Христѣ мой, и не прѣзри моих ни словѣс, ниже образѡв, ниже безстѹдїя. Дажь ми дерзновѣнно глаголати, яже хочу, Христѣ мой, пáче же и научѣ мя, что ми подобает творѣти и глаголати. Согрѣших пáче блуднїцы, яже увѣде, где обитáеши, мѣро купѣвши, прииде дерзостне помázати Твоѣ нѡзе, Бѡга моего, Владѣки

и Христа моего. Якоже о́ну не отрину́л еси́ прише́дшую от се́рдца, ниже́ мене́ возгнуша́йся, Сло́ве: Твои́ же ми пода́ждь но́зе, и держа́ти и целова́ти, и струя́ми слезны́ми, я́ко многоце́нным ми́ром, сия́ дерзостно пома́зати. Омый мя слеза́ми мои́ми, очисти́ мя ими́, Сло́ве. Оста́ви и прегреше́ния моя́, и прощэ́ние ми пода́ждь. Веси́ зол мно́жество, веси́ и стру́пы моя́, и я́звы зри́ши моя́, но и ве́ру веси́, и произво́ление зри́ши, и воздыха́ние слы́шиши. Не тайт́ся Тебе́, Бо́же мой, Тво́рче мой, Изба́вителю мой, ниже́ ка́пля слезна́я, ниже́ ка́пли часть не́кая. Несодэ́ланное моё ви́десте о́чи Твои́, в кни́зе же Твоёй и ещё́ несодэ́янная написа́на Тебе́ суть. Виждь смире́ние моё́, виждь труд мой елик, и грехи́ вся оста́ви ми, Бо́же вся́ческих: да чи́стым се́рдцем, притре́петною мы́слию и ду́шею сокруше́нною нескве́рных Твои́х причащ́уся и пресвяты́х Та́ин, ими́же оживля́ется и обожа́ется всяк яды́й же и пийа́й чи́стым се́рдцем. Ты бо рекл еси́, Влады́ко мой: всяк яды́й Мою́ Плоть и пийа́й Мою́ Кро́вь, во Мне́ у́бо сей пребыва́ет, в нёмже и Аз есмь. И́стинно сло́во вся́ко Влады́ки и Бо́га моего́: Божэ́ственных бо причаща́йся и боготворя́щих благода́тей, не у́бо есмь еди́н, но с Тобо́ю, Христе́ мой, Све́том трисо́лнечным, просвеща́ющим мир. Да у́бо не еди́н пребу́ду кроме́ Тебе́, Живода́вца, дыха́ния моего́, живота́ моего́, ра́дования моего́, спасэ́ния ми́ру. Сего́ ра́ди к Тебе́ присту́пих, я́коже зри́ши, со слеза́ми, и ду́шею сокруше́нною, изба́вления мои́х прегреше́ний прош́у прия́ти ми и Твои́х живода́тельных и непоро́чных Та́инств причаст́итися неосу́ждено, да пребу́деши, я́коже рекл еси́, со мно́ю треока́йным: да не кроме́ обрёт́ мя Твоея́ благода́ти, преле́стник восхитит́ мя льсти́вне, и прельсти́в отведёт́ боготворя́щих Твои́х словес. Сего́ ра́ди к Тебе́ припада́ю и те́пле вопию́ Ти: я́коже блу́днаго прия́л еси́ и блудни́цу прише́дшую, та́ко приими́ мя, блу́днаго и скве́рнаго, Ще́дре. Ду́шею сокруше́нною ны́не бо к Тебе́ приходя́, вем, Спа́се, я́ко ины́й, я́коже аз, не прегреш́и́ Тебе́, ниже́ соде́я дея́ния, я́же аз соде́ях. Но си́е па́ки вем, я́ко не вели́чество прегреше́ний, ни грехо́в мно́жество превосхо́дит Бо́га моего́ мно́гое долготерпе́ние и человеколю́бие кра́йнее; но ми́лостию состра́стия те́пле ка́ющияся и чи́стиши, и све́тлиши, и све́та

твориши прича́стники, о́бщники Божества́ Твоего́ соде́ловаяй незави́стно, и стра́нное и Ангелом, и челове́ческим мы́слем, бесе́дуеши им мно́гажды, я́коже друго́м Твои́м и́стинным. Сия́ дерзостна творя́т мя, сия́ вперя́ют мя, Христэ́ мой. И дерза́я Твои́м богаты́м к нам благода́нием, ра́дуясь вку́пе и трепе́ща, огне́ви причаща́юся трава́ сый, и стра́нно чу́до, ороша́емь неопáльно, я́коже у́бо купина́ дре́вле неопáльне горя́щи. Ны́не благода́рною мы́слию, благода́рным же се́рдцем, благода́рными удесы́ мойми, ду́ши и те́ла моего́, покланя́юся и велича́ю, и славосло́влю Тя, Бо́же мой, я́ко благослове́нна су́ща, ны́не же и во ве́ки.

Молитва святого Иоанна Златоуста, 8-я.

Бо́же, осла́би, оста́ви, прости́ ми согреше́ния моя́, елика́ Ти согреши́х, а́ще сло́вом, а́ще де́лом, а́ще помышле́нием, во́лею или нево́лею, ра́зумом или неразу́мием, вся ми прости́ я́ко благ и Человеколю́бец, и моли́твами Пречи́стыя Твоея́ Ма́тере, у́мных Твои́х служи́телей и святы́х сил, и всех святы́х, от ве́ка Тебе́ благоугоди́вших, неосужде́нно благоволи́ прияти ми свято́е и Пречи́стое Твое́ Те́ло и Честну́ю Кро́вь, во исцеле́ние ду́ши же и те́ла, и во очище́ние лука́вых мои́х помышле́ний. Я́ко Твое́ есть Ца́рство и си́ла и сла́ва, со Отце́м и Святы́м Ду́хом, ны́не и при́сно и во ве́ки веко́в. Ами́нь.

Молитва того же святого, 9-я.

Несмы́ дово́лен, Влады́ко Го́споди, да вни́деши под кров ду́ши моея́; но поне́же хо́щеши Ты я́ко Человеколю́бец, жи́ти во мне, дерза́я присту́паю; повелева́еши, да отве́рзу двéри, я́же Ты еди́н создал еси́, и вни́деши со человеколю́бием я́коже еси́; вни́деши и просвеща́еши помраче́нный мой по́мысл. Ве́рую, я́ко сие́ сотвори́ши: не бо блудни́цу, со слеза́ми прише́дшую к Тебе́, отгна́л еси́; ниже́ мытаря́ отве́ргл еси́ пока́явшася; ниже́ разбо́йника, позна́вша Ца́рство Твое́, отгна́л еси́; ниже́

гонителя покаявшася оставил еси, еже бе: но от покаяния Тебе пришедшия вся, в лице Твоих друзей вчинил еси, Един сый благословенный всегда, ныне и в безконечныя веки. Аминь.

Молитва того же святого, 10-я.

Господи Иисусе Христе, Боже мой, ослаби, остави, очисти и прости ми, грешному, и непотребному, и недостойному рабу Твоему, прегрешения, и согрешения и грехопадения моя, елика Ти от юности моея, даже до настоящего дне и часа согреших: аще в разуме и в неразумии, аще в словесех или делех, или помышлениях и мыслех, и начинаниях, и всех моих чувствах. И молитвами безсеменно рождшия Тя, Пречистыя и Приснодевы Марии, Матере Твоея, единыя непостыдныя надежды и предстательства и спасения моего, сподоби мя неосужденно причаститься пречистых, бессмертных, животворящих и страшных Твоих Таинств, во оставление грехов и в жизнь вечную: во освящение и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и ночных мечтаний, темных и лукавых духов; яко Твое есть Царство, и сила, и слава, и честь, и поклонение, со Отцем и Святым Твоим Духом, ныне и присно и во веки веков. Аминь.

Молитва святого Иоанна Дамаскина, 11-я.

Пред дверьми храма Твоего предстою и лютых помышлений не отступаю; но Ты, Христе Боже, мытаря оправдивый, и хананею помиловавый, и разбойнику раю двери отверзый, отверзи ми утробы человеколюбия Твоего и прими мя, приходяща и прикасающася Тебе, яко блудницу и кровоточивую: ова убо края ризы Твоея коснувшись, удобь исцеление прият, ова же пречистей Твоей ноге удержавши, разрешение грехов понесё. Аз же, окаянный, все Твое Тело дерзая восприяти, да не

опалён буду; но приими мя, якоже оныя, и просвети моя душевныя чувства, поपालя моя греховныя вины, молитвами безсеменно Рóждшия Тя и небесных сил; яко благословён еси во веки веков. Аминь.

Молитва святого Иоанна Златоуста.

Вѣрую, Господи, и исповѣдую, яко Ты еси воистинну Христос, Сын Бóга живаго, пришѣдый в мир грѣшныя спасти, от нихже первый есмь аз. Ещё вѣрую, яко сие есть самое пречистое Тѣло Твое, и сия есть самая честная Кровь Твоя. Молюся убо Тебѣ: помилуй мя и прости ми прегрѣшения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь.

Приходя же причаститься, произноси мысленно эти стихи Метафраста:

Се приступаю к Божественному Причащению.
Содетелю, да не опалиши мя приобщением:
Огонь бо еси, недостойныя поपालяяй.
Но убо очисти мя от всякия скверны.

Затем:

Вѣчери Твоея тайныя днешь, Сыне Бóжий, причастника мя приими; не бо врагом Твоим тайну повѣм, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

И стихи:

Боготворящую Кровь ужаснися человекѣ, зря,
Огонь бо есть, недостойныя поपालяяй.
Божественное Тѣло и обожает мя и питает:
Обожает дух, ум же питает странно.

Потом тропари:

Услади́л мя еси́ любви́ю, Христе́, и измени́л мя еси́ Божественным Твои́м раче́нием; но попали́ огне́м неве́щественным грехи́ моя́, и насы́тятся е́же в Тебе́ наслажде́ния сподо́би: да лику́я возвелича́ю, Бла́же, два прише́ствия Твоя́.

Во све́лостех Святы́х Твои́х ка́ко вни́ду, недосто́йный? А́ще бо дерзну́ совни́ти в черто́г, оде́жда мя облича́ет, я́ко несть бра́чна, и связа́н извёржен бу́ду от А́нгелов. Очи́сти, Го́споди, скве́рну души́ моея́, и спаси́ мя, я́ко Человеколю́бец.

Также молитву:

Влады́ко Человеколю́бче, Го́споди Иису́се Христе́ Бо́же мой, да не в суд ми бу́дут Свята́я сия, за е́же недосто́йну ми бы́ти: но во очище́ние и освяще́ние души́ же и те́ла, и во обруче́ние бу́дущия жи́зни и Ца́рствия. Мне же, е́же прилепля́тися Бо́гу, бла́го есть, полага́ти во Го́споде упова́ние спасе́ния моего́.

И еще:

Ве́чери Твоея́ та́йныя днесь, Сы́не Бо́жий, прича́стника мя приими́; не бо враго́м Твои́м та́йну пове́м, ни лобза́ния Ти дам, я́ко Иу́да, но я́ко разбо́йник испове́даю Тя: помяни́ мя, Го́споди, во Ца́рствии Твоём.